


3407





受胎時日法

灸法

妊娠諸雜病方論

產前預備藥物

產婦雜要

孕婦服藥忌用

產前將護法

日遊圖

產婦十二月吉凶圖

日曆法

臨產將護法

禳謝法

易產法

巒公防護產法 又法 又法

產後

產後虛忽悶出汗多不識人

產後將護法

芸窻萬選方一卷

產寶雜錄

門生翰林醫證入內內宿壽明慈睿殿應奉  
侍衛步軍司醫官兼太醫局教授齊仲甫撰

○論元立本

泰初者。凡有氣之本也。天得之以統氣。泰始者。凡有形之本也。地得之以統形。故輕清爲天。稟陽剛健而立乎上。重濁爲地。積陰柔順而處乎下。感坤德而行化。應乾道而經營。默爾而變。鼓萬物而其道惟微。默然而化。凜肅殺而厥功咸著。是以天地相因。生生化化。品物彰矣。易曰。大哉乾元。萬物資

始。至哉坤元。萬物資生。故陽施陰化。血氣和調。感而爲妊者。亦資始資生之理也。夫兆形之初。命門先具。天一生水。壬爲陽水。合丁之陰火而生丙。有命門然後生心。心主血脈。丙爲陽火。合辛之陰金而生庚。有心然後生肺。肺主皮毛。庚爲陽金。合乙之陰木而生甲。有肺然後生肝。肝主筋爪。甲爲陽木。合己之陰土而生戊。有肝然後生脾。脾主肌肉。戊爲陽土。合癸之陰水而生壬。有脾然後生腎。腎主骨髓。故五臟合乎五行。本其性情。互相剋制。及其配合。互生成成。且妊娠胚胎懷胞。此六者。乃子在母腹中之事。皆有經之可證者也。所謂妊者。陽既受始。陰壬之也。胞者。己爲正陽。陰包之也。胚者。未成爲器。猶之坯也。胎者。既食於母。爲口呂也。娠則以時而動。動則神氣足矣。懷則以身而衣。衣則形質具也。故天之德主生。地之德主成。陰陽之氣主和平。以生成和平之氣。流傳於一體。然後生育之功備矣。若能順時數。謹人事。勿動而傷。則生育之道得矣。

○論妊娠分別男女脉法

經云。陰搏陽別。謂之有子。此乃氣血調和。陽施陰

化也。王氏云。脉平而虛者。乳子法也。診其手少陰脉動甚者。妊子也。少陰心脉也。心主血脉。又腎爲胞門子戶。大抵少陰之經在手屬心。在足屬腎。腎主乎尺。尺中之脉按之不絕者。法妊娠也。難經云。女子以繫胞。三部脉浮沉正等。按之無絕者。有妊娠也。妊娠初時。寸脉微小。呼吸五至。三月而尺脉數也。脉滑疾。重以手按之散者。胎已三月也。脉重手按之不散。但疾不滑者。五月也。婦人妊娠四月。欲知男女。法左疾爲男。右疾爲女。俱疾爲生二子。又法得太陰脉爲男子。得太陽脉爲女子。太陰脉

沉。太陽脉浮。又法左手脉沉實爲男。右手脉浮大爲女。左右手俱沉實。猥生二男。左右手俱浮大。猥生二女。又法尺脉左偏大爲男。右偏大爲女。左右俱大。產二子。大者如實狀。又法左右尺俱浮。爲產二男。不爾則女作男生。左右尺俱沉。爲產二女。不爾則男作女生。又法遣妊娠人面南行。還復呼之。左迴首是男。右迴首是女。又法看上圍時。夫從後呼之。左迴首是男。右迴首是女。又法婦人妊娠。其夫左乳房有核爲男。右乳房有核是女。婦人懷娠。離經。其脉浮。設腹痛引腰脊。爲今欲生也。但離經

者不病也。又法婦人欲生其脉離經者。夜半覺日中則生也。

○論十二經隨月養胎

食氣於母。所以養其形。食味於母。所以養其精。形精爲滋育。氣味爲本。故天之五氣。地之五味。母旣食之。而胎又食之外。則充乎形質。內則滋乎胎氣。皆藉乎氣味之育養也。胎之所食。始起於厥陰也。聖濟經云。原四時之所化。始於木也。究十二經之所養。始於肝也。故一月血凝。足厥陰肝經養之。膽乃肝之腑。二月胚兆。足少陽膽經養之。三月陽神

爲魂。木生火。手心主包絡經養之。四月陰靈爲魄。手少陽三焦經養之。五月五行分五臟。火生土。足太陰脾經養之。六月六律定六腑。足陽明胃經養之。七月七情開七竅。通光明也。土生金。手太陰肺經養之。八月八景神具。濟真靈也。手陽明太陽經養之。九月宮室羅布。以定精也。金生水。足少陰腎經養之。十月氣足。萬象成也。足太陽膀胱經養之。自肝木爲始。臟腑相滋。各養三十日者。此食味於母。所以養其精也。且手太陽小腸經。手少陰心經。此二經不在十月經養之數者。平居之日。在下爲

月水有胎之時。在上爲乳汁。故不養於胎也。孫思邈曰。一月名始胚。二月名始膏。當胚膏之始。真氣方遇。如桃花凝聚。其柔脆易壞也。聖濟經曰。胚膏之始。食必甘美。欲扶其柔脆。味必忌辛辣。懼散其凝聚。作胎之後。二氣既凝。如泥在鈞。如金在鎔。惟陶冶之所成。子之在母。必賴其食之助養。故食稻稂苗。雍四月。以通水精之成血。食稻麥牛馬於五月。以助火精之成氣。食猛鷲於六月。以強金精之成筋。食稂稻於七月。以望木精之成骨。八月九月。受土石之精。以成膚革皮毛。則形已備矣。此食氣於母。所以養形者也。內則食之於母。外則食之於味。輔其冲和。氣數滿足。子母分娩。然後保衛輔益。各有其道矣。

○論轉女爲男法

氣充於中。孕之專精也。形立於外。賦之大鈞也。倘混淪未分。化原未兆。而有胎化之法。可以轉男者。皆因虛而感。感而變也。凡受胎三月。謂之始胎。逐物變化。秉質未定。遂有轉易之術。古人以陽召陽。以陰召陰者。是也。以陽召陽者。如陽燧之取火。以陰召陰者。若方諸之取水也。與夫犀角蚌蛤之感。

月星者。皆自然之理也。聖惠方云。妊娠三月。取雄雞尾毛三莖。潛安婦人臥牀下。勿令知之。食牝雞。取精陽以全其天產也。又法。妊娠三月。欲男者。用雄黃半兩。衣中帶之。取雄黃陽精以全其地產也。弓矢。禮以爲男子之事。斧斤。詩以爲治民之具。故欲求男子者。操弓矢。置斧斤於寢牀下。取陽剛之見於人事也。凡此四物。皆陽類也。以陽召陽。氣類潛通。造化密移。冥冥之中。以其因虛而感。隨感而變也。故妊娠三月。能外資陽物。助以勝陰。則變女爲男。信不誣也。

○論氣形保衛

恍兮惚。其中有物。惚兮恍。其中有象。初融於恍惚之中。豈無得而然哉。夫胚胎之兆。始也。受水精而成血脉。受火精而成氣。受金精而成筋。受木精而成骨。受土精而成膚革。五行具而百骸皆備。此所以集萬物之靈也。倘或奇耦之行。耗剛柔之強弱。榮衝之虛虧。乃於氣形稟賦之始。有附贅垂疣。駢拇枝指。侏儒跛蹙之不同。或於氣形既得之後。有瘡瘍癰腫。聾盲瘖瘡。疲瘵之不一。夫欲形無所戾。病無所生者。則胚胎造化之始。變氣移精之後。保

衛育養。悉有其道也。經云。天有五氣。各有所湊。地有五味。各有所入。故所湊有節。適所入有度量。凡所畏忌。悉知戒慎。資物爲養者。理宜然也。寢興以時。出處以節。可以高明。可以周密。使霧露風邪。不得投間而入。因時爲養者。理宜然也。以至調喜怒。寡嗜慾。作勞而不妄。而氣血從之。皆所以保攝妊娠。外使諸邪不得干焉。苟爲不然。方授受之時。一失調養。則內不足以爲中之守。外不足以爲身之強。氣形弗充。而疾疚因之。若食兔缺唇。食犬無聲。食雜魚而生瘡癬。皆以食物不戒之過也。心氣大驚而癩疾。腎氣不足而解顱。脾胃不和而羸瘦。心氣不和而神不足。皆以氣血不調之過也。誠能於飲食知所戒。推而達之。五味無所傷。誠能於知所調。推而達之。邪氣無所乘。茲乃生育相待而成者。故曰天。

○論胎教

夫胚暉兆蒙。雖寂然杳默之中。而其耳目心智已備。而神者受之矣。故可以好德制心。厭耳感目。調神和性。使之先得於自然無間之際。固不待於人道之分而後知也。賢人君子。德行可觀也。故示以

賢人君子。使知所以好德。禮法度數。人之防範也。故示以禮法度數。使之知所以制心。使之耳所聞者無淫哇。故揚之於聲音之和。則若琴瑟鍾鼓者。欲足於耳。使之目所視者無狹隘。故作之以剛毅之氣。則若犀象軍旅。欲其感動於目。觀陰陽之至精。足以成純粹之美。得言語之至正。足以啓篤敬之道。以至調心神而使之不亂。和性情而使之不乖。戒喜怒使之無過度。節嗜慾使之無貪愛。是因物隨感。有益於德者。如此。所以生子皆良也。若乃人有殘廢物。有醜惡鳥獸之有毒性者。則欲其勿見。若形有不全。割有不正。味有異常者。則欲其勿食。是又防爾忌避。無所不用其至。夫在母也如此。則居然而生。明智而信厚。端莊而溫恭。美好而壽考。無足恠矣。是以因物而遷。因形而革。有不期而然者。良繇虛而感。隨感而變也。昔大任之妊文王。目不視惡色。耳不聽淫聲。口不出敖言。而世傳胎教者以此。

○論男女七八之數

夫黃鍾應律。一元之氣。斗建於子也。聖濟經云。元氣孕育。皆始於子。自子推之。男左旋。自子位起。積

三十而至巳。女右旋。自子位起。積二十而至巳。巳爲正陽。陰實從之。自巳懷妊。男左旋。十月而生於寅。女右旋。十月而生於申。故男麗乎寅。陽生於子。至寅爲三陽。女麗乎申。陰生於午。至申爲三陰。難經云。男子生於寅。寅爲木。陽也。女子生於申。申爲金。陰也。夫木者。陰中之陽。男得乎卦其數八。故男子八歲。髮長齒更。八八則卦氣足。金者。陽中之陰。女得乎卦其數七。故女子七歲。齒更髮長。七七則天癸竭。語七八之數。七少陽也。八少陰也。相感而流通。以兆陰陽之始。而定男女之數也。

○分體

耳目鼻口陰尻竅也。臂股指趾肢也。雙乳外腎關也。齒髮爪甲餘也。枝指旁趾附也。養耳力者常飽。養目力者常瞑。養臂指者常屈。信養股趾者常步履。夏臟宜涼。冬臟宜溫。胸包心火。雖冬宜熱。熱作腫而竅寒。血不行而肢廢。餘有消長。無痛疾。有疾痛。無生死。關有生死。疾痛無消長。有消長。無生死。疾病者。疢瘤而已。

○論子

褚氏遺書云。建平孝王妃姬侍皆麗。無子。擇良家

未笄女入御。又無子。諭曰。求男有道乎。褚澄對曰。合男女。必當其年。男雖十六而精通。必三十而娶。女雖十四而天癸至。必二十而嫁。皆欲陰陽氣完實。然後交合。則交而孕。孕而育。育而男子。堅壯強壽。今未笄之女。天癸始至。已近男色。陰氣早洩。未完而傷。未實而動。是以交而不孕。孕而不育。育而子脆不壽。此王之所以無子也。然婦人有所產皆女者。有所產皆男者。大王訪求多男。婦人媒致宮府。有男之道也。王曰。善。未再期。生六男。夫老陽遇少陰。老陰遇少陽。亦有子之道也。

○受胎時日法

凡男女受胎法。皆以經候絕後一日三日五日爲男。仍遇月宿貴宿日。又以夜半後。生氣時瀉精。有子皆男。必壽而賢明高爵也。以經候絕後二日四日六日瀉精者。有子皆女。過六日。皆不成子。又遇其旺日元日。推旺相日辰法。春甲乙寅卯。夏丙丁巳午。秋庚辛申酉。冬壬癸亥子。

○灸法

婦人絕子。灸然谷五十壯。在內踝前直下一寸。婦人絕嗣不生。胞門寒。灸關元三十壯。

婦人妊子不成。若墮落。腹痛。漏。灸胞門五十壯。在關元左邊二寸是也。右邊二寸名子戶。婦人無子。臍有惡血。灸右關。在陰都下一寸。婦人絕嗣不生。灸氣門穴。穴在關元旁三寸。灸百壯。婦人子臍閉塞。不受精。灸胞門五十壯。婦人絕嗣不生。漏赤白。灸泉門十壯。其穴在橫骨陰上際。

○妊娠諸雜病方論

妊娠諸雜候者。謂如中風。熱病。傷寒。等候。此雖略

存方藥。可以備急。或有重時。卽兼取諸方。在帙中者。如傷寒用青龍散。大柴胡散之類是也。其病候亦同此。逐病證論用之。但方中無雄黃。水銀。胡粉。朴硝。大戟。巴豆。牡丹。牛膝。附子。天雄。烏頭。半夏。南星。水蛭。蝱。蟲。瞿。麥。野。葛。螻。蛄。虻。蛭。鬼。箭。葶。苳。歷。蝟。皮。梨。蘆。牽。牛。皂。角。側。子。硃。砂。之。類。其。論。說。病。候。亦。逐。諸。方。爲。證。

○產前預備藥物

玄胡索	劉寄奴	桑寄生	夜合枝	蒲黃
當歸	赤芍藥	神麴	牡丹皮	枳殼

紅藍末 桂心 蛇蛻 半夏 白朮

茯苓 人參 甘草 續斷枝 羌活

羚羊角 竹瀝 枳實 細辛 麝香

鯉魚鱗灰 桃仁 狗膽 郁李仁 亂髮灰

杏仁 童便 瞿麥 黃芪 水銀

沒藥 川芒硝 麒麟竭 防風 豆豉

琥珀 秤鎚 桑白皮 醱醋 木通

芎藭 無灰酒 乾薑 川升麻 虎脛骨

香墨 紫葛 荷葉 紅花子 生地黃

白蜜 羚羊角灰 羯羊角 蘇枋木 熟硃砂

已上藥。妊娠三數月。即須求覓州土上好者。

晒曝收拾。一一題記分明。置一淨處。恐臨時

忙迫不可猝求。更宜審細。勿令錯用。

生地黃肥好者 生母薑畧晒取 生藕和本泥取濕處 雞子草平狀自損

醱醋糠醋煎三四沸干卒收之 黑豆揀之布袋盛貯一斗 艾生熟並要

右件藥。入月一日。皆須收足。

○產婦雜要

小石子三五十顆貯一籠中。臨產燒下。置產婦面

子代之 牀搯頭磚八口每服下一口。止三 盛衣錐

尤妙葫蘆 洗兒盆大寫字記 乾竹柴雜席蒲合各一 雜用盆

砂盆 濾藥布 絞地黃汁布 新柳木米槌

軟厚氈領一 煖水釜五斗以上者泥在近處 乾蓐草

三十 馬皮一張鋪 馬銜一具產甚 乾馬糞一石欲

床下勿令穢 每月收赤馬通不用 童子小便三升

汚此蓐大忌 換之

產婦切忌。入月不得飲酒。恐臨產心神昏亂。亦不

得驚恐動。未及產時。左右驅使人。亦不得吃酒。入

月。門前停留遠客宿忌

右已前貯備。頗為猥細。若言所切。無過於斯。通誠

者方驗。不可忽也。

○孕婦服藥忌用

虻班水蛭地蟾蟲烏頭附子酥天雄躡躑野葛虻

蛄類烏賊側子及虽蟲牛黃水銀并巴豆大戟蛇

蛻共蜈蚣牛膝藜蘆加薏苡金石錫粉對雌雄牙

硝芒硝牡丹桂蜴蜥飛生更廩蟲代赭蚱蟬礪腦

麝芫花薇衡草三稜槐子牽牛并皂莢桃子蟻螬

和茅根。樛根。硃砂與乾漆。亭長。洩流。茵草中。瞿麥

蔞茹蟹爪甲。蝟皮鬼箭赤頭紅。馬力石蠶衣魚等

半夏南星通草同。乾薑蒜雞及鴨子。驢馬兔肉不

須供。切忌婦人產前用。此歌宜記在心胸。

○產前將護法

按諸家產論云。凡產婦入月。切忌飲酒。忌產時心神昏亂。臨產之時。不可令傍人喧擾。大小愴忙。慮致驚動產母。祇可令熟事產婆。及穩審謹卓老成親密三兩人。扶持產母。初覺腹痛。且宜任意坐臥。強勉飲食。恐致臨產氣力虛羸。若腹痛漸甚。唯且熟忍。仍可按節次。漸服清胎榆白皮散一二服。服藥之法。慎勿太早。須得其時。又傍人不得逼迫。且須令人扶策。徐徐而行。若行步稍難。卽凭物而立。須臾。扶策再行。直至腹痛連腰相引。作陣痛頻。卽服催生丹一服。更且勉強扶行。陣痛轉甚。難以立認。是產時將至。卽服催生符畢。然後安詳上草。上草之時。慎勿傷早。若太早。則子在腹中。難以轉側。又須子細體候。宜待兒逼欲生。然後令抱腰也。抱腰之人。不得傾斜。則兒得順其理。自然易產也。又有臥產者。亦待臥定。背平着蓆。體不偃曲。則子不失其道。苟或不能依此節適。必致產難。縱或幸免。必須變生諸疾。

○日遊圖

推日遊法。常以癸巳日入宮十六日。宜避之。至巳

酉日出外。

癸巳 甲午 乙未 丙申 丁酉 五日 在紫

戊戌 巳亥 大統曆日房內中 庚子 辛丑 壬寅 五日 在太

癸卯 在太廟西宮 甲辰 乙巳 丙午 丁未 大統曆日房內東

戊申 大統曆日房內中五日 在御女東宮

右件。日遊在內。產婦宜外。別於空地安帳。大

巳酉庚戌辛亥壬子癸丑甲寅 在 外 乙卯丙辰丁

巳戊午巳未 外 庚申辛酉壬戌癸亥甲子乙丑 外

南 丙寅丁卯戊辰巳巳庚午 外 辛未壬申癸酉甲

戌乙亥丙子 外 西 丁丑戊寅巳卯庚辰辛巳 外 壬

午癸未甲申乙酉丙戌丁亥 外 西 戊子巳丑庚寅

辛卯壬辰 外 北

○產婦十二月吉凶圖 六壬古產方位

正月 三月 五月 七月 九月 十一月

巳上六月。空在丙壬。宜安產婦及胎衣。餘凶。

二月 四月 六月 八月 十月 十二月

巳上六月。空在甲庚。宜安產婦及胎衣。餘凶。

又六壬靈轄經曰。將欲生。孟月以功曹。仲月以神

後。季月以天魁。加月建。天上丙壬。下為月虛地。宜

安產。

又曰。傳送加產婦行年。天罡下爲懸屍。產婦宜避  
忌之吉。

又曰。傳送加產婦行年。天罡下爲天推。天魁下爲  
天捧。若於此下產。憂胎殘落。疾病死亡。

七十二占曰。婦人數失其子者。以天罡加月建。以  
其死兒於神後埋之。候娠必得其下子。

○日曆法

凡禍害絕命之地。不可令產婦向之。亦不可向此  
大小便。凡生氣產婦向之大吉。令母子命長。開肚  
之地。臨月及產後未滿。並不得向此大小便。及棄

不淨水。犯之母子大惡。慎之大吉。

凡入莊之地。產婦牀帳開門。向之慎之大吉。

凡反支月。不得令血露污地。或令子死腹中。或產  
不順。皆須先布灰草。然後鋪驢馬牛皮於上。安產  
吉。

凡懸尸之日。不可扳繩。宜懸馬皮轡板之吉。

凡行年本命相值。亦可坐馬皮轡攀。大吉。

凡產於八月一日。貼在臥閣內正地辟。

凡安產藏衣方位。並於臥閣內分布。

凡產訖。棄溲污穢之水不淨者。並隨藏衣之方所

向不拘遠近棄之。切忌向間肚之方。

○臨產將護法

凡產婦既借地并符法。又服滑胎藥訖。欲產之時。備辦湯藥。不得令人雜亂。大小倉忙。驚動產婦。祇可令屬一兩人。及祇承人等看待。若產婦腹痛。雖甚。且須令凭人徐行。直待兒逼欲生。方始坐。慎勿坐早。則子在腹中。難爲轉動。遂有悞。

○禳謝法

軒轅者。乾神。天之丞相使者。風伯也。犯之令兒驚吐。取梨枝六寸。埋產處吉。

雷公者。震神。太陰之使者。天馬也。犯之令兒煩悶。腹滿。解之用三家屠肉餅。於產處謝之吉。

咸池者。坎神。天之雨師使者。犯之令兒啼不止。用酒脯。於產處謝之吉。

豐隆者。艮神。天之東明使者。天漢也。犯之令兒乍寒乍熱。用白魚二頭。於產處謝之。以黑豆一掬。投於井中。吉。

招搖者。坤神。天上使者。犯之令兒驚啼不止。用酒餅。於產處謝之吉。

天候者。巽神。天一執法使者。犯之令兒腹脹弩眼。

用白魚二頭。於產處謝之吉。

吳時者。離神。天一大將軍遊擊使者。犯之。令兒驚。腹痛。用馬脯五寸。於產處謝之。更用白魚五枚。飯棗。產處理之吉。

大時者。允神。北斗之使者。犯之。令兒腹脹下利。解之用脯於產處謝之。又用大豆一升。投井中。吉。

狂虎者。犯之。令兒驚啼。用雄雞於產處謝之。吉。

白虎者。犯之。用粳米一升。雞子三枚。謝之。吉。

夫人者。犯之。用羊脾三枚。粳米一升。產處謝之。吉。

天狗者。犯之。令兒口噤。面色變。用三屠肉餅。麥餅。

於產處謝之。吉。

○易產法

凡欲臨產。先脫尋常所着衣。以籠竈頭及竈口。令

至密。卽易生。神驗。

○巒公防護產法

余因披閱巒公調氣方。中見巒公北平陽道慶者。有一妹一女。竝皆產死。有兒婦臨月。情用憂慮。入山尋余。請覓滑胎方。余報言。少來遊山林。未經料理此事。然當爲思量。或應可解。慶停一宿。余輒憶想衆生之類。緣何不聞有產死者。姪女偷生。賤婢

獨產亦未聞有產死者。此當繇無人逼迫。得盡其分理耳。其產死者。多是富貴家娶居婦女輩。當繇兒始轉時。覺痛便相告。傍人擾擾。令其驚怖。畜結生理不和。和氣一亂。痛切唯甚。傍人見痛甚。便謂時至。或有約髻者。或有勒腹者。或有冷水喫面者。努力強推。兒便暴出。畜聚之氣。一時奔下不止。便至運絕。更非他緣。至日以此意語慶。慶領受無所聞。然繇苦見邀向家。及更與相隨。停其家十餘日。日晡時見報云。兒婦腹痛。似是產候。余便教屏除牀案。遍一房地布草。三四處懸繩繫木。作衍度高。

下。令得踏當腋。得憑當衍。下敷慢氈。恐兒落草誤傷之。如此布置訖。令產者入位。語之坐臥任意。爲其說方法。各有分理。順之則全。逆之則死。安心氣。勿怖強。此產婦亦解人語。語訖閉戶。戶外安牀。余共慶坐。不令一人得入。時時隔戶問之。何似。答曰。小痛可忍。至一更。令爛煮自死牝雞。取汁作粳米粥。粥熟。急手攪。渾渾適寒溫。勸令食一升許。至更五將末。便自產。聞兒啼聲。始聽人入。產者自若。安穩不異。或覺小小痛時。便放體。長吐氣一口。痛卽止。蓋任分和氣之效也。慶問何不與肉。答云。氣將

下。恐肉不消。爲妨悶。又問何故與粥。答曰。饑則氣下。氣下則速產。理不欲令氣上故耳。慶以此爲產術之妙。所傳之處。無不安也。故知巒公隱妙思符神理。然則日遊反反之類。何預哉。但以婦人怯弱。臨產驚遽。若不導以諸法。多恐志氣不安。所以檢諸家方法。備題於左。其間取舍。各任量裁。凡婦人有難。必須先檢此書。推所接月日。知犯忌。各須慎。不得犯之。其應次須帳幕皮醋藏衣等物之類。並早經營。入月卽須使足。若不預備。臨急周遮。事必致舛。惟舊經事者。始達此言。預備不慮。古之善教也。

又法

凡產者。雖是穢惡。然將痛之時。及未產已產。皆不得令死喪穢惡家人。皆來視之。必產難。若已產者。必傷子。

又法

凡產法。雖須熟忍。不得逼迫。要須兒子欲出。然後抱腰。傍人不得驚擾。浪作形勢。但此事。巒公法中。已經商略。無用師巫。妄述已能。橫相牽挽。失其本性。今故重述。特宜防也。

○產後

凡母子纔獲分解。速與產婦童子小便一盞。令飲。不得與酒。緣酒引血逆入四肢。兼產母臟腑方虛。熱酒入在腹中。必致昏悶。可與墨醋服之。不得過多。雖醋破血。而又傷肺。因成咳嗽。皆繇此也。若產婦分解之時。頻燒磚石。投醋烟。以防運也。凡生產畢。飲童便了。不得便臥。且候須臾。方可仰臥。立據高床頭。厚鋪裯褥。遮攔四壁。使無孔隙。免其賊風。時時令人從心上至臍下。如此一日。可止宜食白粥一味。時飲童便一盞。七日後。方可少進醇酒。少許鹽味。半月之後。漸食煮肉。出月之後。方可食麪。仍不得思食他物。以致其傷。亂待敗血盡。臟腑自然安和。在一百日之內。善加調理。諸疾不生。娠必生男。信矣。

○產後虛忽悶。冒汗出多。不識人

以雞子三枚。破而吐之。便醒。不醒者可灌。時時發者。此爲有風。因產血氣暴虛。風行脉中。若虛去血多者。尤甚。

○產後將護法

按經云。婦人非止臨產須憂。至於產後。大須將理。

慎勿以產時無他。乃縱心恣意。無所不犯。犯時微若秋毫。感病重於嵩岱。且纔得分免。切忌問是男是女。看血下多少。隨證服壓血運藥。良久喫粥。服四順理中圓。便令人從心下按至臍腹。日五七次。若有疾證。卽隨證服藥。粥藥相間。頻頻服餌。且宜閉目而坐。背後倚物。左右看承。常令直立兩膝。雖時眠睡。頻令喚覺。過一伏時。方得上牀。亦須立膝高。牀頭厚鋪衲褥。遮圍四向。窒塞孔隙。以禦賊風。一臘之內。常聞醋烟。以防運悶。一臘之後。漸加滋味。或以羊肉及雌雞煮取濃汁作糜粥。直至百晬。常服當歸圓。當歸建中湯。四順理中圓。日各一兩服。以養藏氣。補血脈。兩臘之後。方得食糜爛肉食。滿月之內。尤忌任意飲食。觸冒風寒。恣意喜怒。梳頭用力。高聲作勞。工巧之類。及上廁便溺。如此節養。將攝。以至百晬。始得氣血和調。腑臟平復。設不依此。卽致產餘疾。

凡欲生產。切不可喧闐。產婦房門。常須關閉。選一年高性善產。又選穩當家人一兩人。扶持謹慎。不用揮霍。致令產婦憂恐。又忌聞雜人。外喪孝穢污之人。瞻視。若不慎之。定是難產。兼傷小兒。若腹中

痛來。但令扶持行往。或行不得。且立。候行得更行。或痛作陣。眼中如火生。此是兒回轉。卽進琥珀散一服。直至行得。卽扶上蓐草。務要產婦惜力。或心中熱悶。取白蜜一匙。新汲水調下。或未解。卽吞生雞子一枚。

○芸牕萬選方

問婦人女子經候不調。潮熱。論曰。婦人經水適斷。病作少陽治之。傷寒雜病一體。經云。身有病而有邪。經脉閉也。又云。月事不來者。胞脉閉也。經閉者。尺中不至也。胞閉者。生化絕原。二者皆血病也。厥

陰主之。厥陰病。則少陽亦病。婦累其夫也。婦人室女。實作大熱。或變或勞。脉有浮中沈之不同。故藥有表裏和之不一。察其在氣在血。定其行陰行陽。舉無不當。則可以萬全矣。又云。若欲理血。必先調氣。故先用小柴胡湯。後用四物湯。出此事難知內

治婦人諸病。宜四物湯。內加吳茱萸等分。湯泡七次。過炒乾。最妙。但陽臟人少加。陰臟人多加。

治婦人天癸已過。四十九歲。不斷經者。經候不勻。或三四月不行。或一月再行。腰膝疼痛。經云。七損八益。謂婦人七七數盡。而經不依時者。血有餘也。

不可止。但令依時。不腰痛為善。當歸散。

川芎

當歸

白芍

各一兩

白朮

半兩

山茱萸

去核一兩半

黃芩

一兩炒如不禁涼藥者去黃芩加桂心一兩

右為末每服二錢酒調下空心日二服

治女子不行經者。是心火不降也。胞脉繫於心包

絡。心火不降。故月事不來。宜降心火。則經自行。如

經候來了。服衛生湯。贊生湯。不三月必孕。孕必男。

芸臆製抑火湯。別有贊生丸。又方。治婦人久無

子。溫酒下益母丸。服至十服二十服後。必有孕。

人參

黃芩

黃連

麥門冬

去心各一兩

甘草

石菖蒲

去毛

牡丹皮

去木各五錢

茯神

去木二錢半

蓮心

一錢

右為末入辰砂末半錢令勻。每服二錢。臨睡

燈心湯調服。

治婦人經候要來之先。或腰膝痛。或來太多血虛。

或頭痛。或發大寒。因產後發熱頭痛。通神散。芸臆製

益母草

五月五日採陰乾者一兩

白芍

五錢

甘草

炙

陳皮

各二錢半

右每服五錢。水一鍾半煎至一鍾。食前。或單

用益母草亦可。

治婦人經候欲行未行。或行時腰腹臍下疔痛。或探前退後。或來四五日。或七八日不斷者。良香丸。又名通經丸。主之。又方。溫酒下益母丸。

良薑 三兩醋炒 香附子 二兩醋炒 梔子仁 二兩半薑汁炒焦黃

益母草 三兩午日採陰乾者不見鐵 三稜 蓬朮 各五錢

右為末醋糊丸。梧子大。陰乾。每服六七丸。醋湯下。食前。

治婦人經候不行。至一年者。臍腹痛。腰腿沉重。寒熱往來。服芥子散。

白芥菜子 六兩

右為末。每服二三錢。熱酒調。食前服。

治婦人月事不應期。或前或後。或來太多。或血黑。或淡。子宮久冷不孕者。竝皆治之。坎宮丸。

香附子 碎之米醋浸透 肉桂 去皮二兩 白芍 三兩

北艾葉 半斤淨醋煮乾取出。用米粉醋為稀糊。捏作餅子。焙乾為末

川當歸 二兩 吳茱萸 揀淨者取一兩湯泡七次炒乾

右為末醋糊丸。如梧子大。每服七八十九丸。空心醋湯下。或有白帶者。加白朮一兩。白芷二兩。

治婦人天癸已上。經候不斷者。用白茅花燒灰。每

服二三錢醋湯調服。或醋為丸。或四物湯內加服尤妙。又方。子芩二兩。用米醋浸七日。用火炙乾。再蘸醋再炙。醋盡為度。令乾為末。醋糊丸如桐子大。每服五十丸。空心醋湯下。

治婦人勞嗽并血證。百合散。

人參

白朮

白茯苓

百合

款冬花

官桂

北五味

阿膠

炒黃

黃芪

半夏

泡七次

天門冬

去心

杏仁

去雙仁皮尖

白芍

甘草

各等分

細辛

減半

右每服五錢。水一鍾。半煎至一鍾。溫服。如脉

熱去桂。加不去節麻黃。去黃芪。加桑白皮。

治婦人衝任虛損。經脉不調。積滯流注。血閉血塊。血癥血瘕。血癖。停阻。腰脚臍腹久痛。寒熱有時。面赤口乾。黃瘦困倦。四肢顫掉。起坐艱難。漸成勞疾。喘嗽盜汗。便溺頻多。髮髮脫落。或室女經脉滯結。竝皆治之。九生丹。

牡丹皮

去木

頭紅花

肉桂

川歸

各一兩

丁香

兩半

朱砂

二錢為衣

蠶退紙

三錢燒灰

右末煉蜜丸如梧子大。每服十丸。空心食前熱酒下。日進三服。十日病減。二十日驗效。一

月大効。如睡臥不寧。加人參。看老少輕重加減。

治婦人血海風冷。月水不調。攻注臍腹。腰腿疼痛。面色痿黃。寒熱麻木。四肢困弱。減少飲食。

延胡索

川當歸

各一兩

沒藥

半兩

右末每服三錢。水一鍾。半薑三片煎七分。食前服。增寒加川芎半兩。臥不安加乾薑桂各半兩。

治婦人血乾氣滯。腰脚臍下痛。寒熱。血脉阻滯。行經丹。

班貓

二十七個去頭翅足

杏仁

二十七個去皮尖炒

右二味同研麵糊丸如小菽豆大。每服一十九煎。桃仁湯下。日未出時服。小便內取下血片。覺臍下痛效。

治婦人血乾氣久滯。腰腿臍腹冷痛。寒熱往來。血刺痛。血塊。痲癬癥瘕。四肢無力。飲食漸減。久成虛勞。痰嗽。破經丹。

川大黃

一兩

硃砂

半兩

川芎

半兩

紅娘子

四十箇

川當歸

六錢

蠶退紙灰

三錢

右熬米醋一鍾。入大黃末作膏。和芎歸等五

味末。丸如小豆大。每服十丸至十五丸。煎紅花酒下。食前。三兩時間。覺臍腹下微痛。藥行已。大小便內取下惡血。膿粘為度。如未覺。加至二十九。三五服效。要內消。只服五七丸。每日常服。隨老少。更看患輕重。以意加減丸數。治婦人血積血塊。血氣產後諸血滯。寒熱疼痛。四肢困倦。腰痛頭麻。沉重黃瘦。臍腹久冷。酌聖丹。

巴豆

二十粒去殼研細鹽醋一鍾熬膏半鍾

沒藥

半兩另研

莪術

錢四

右為末。將巴豆膏丸梧子大。每服三五丸。紅花酒下。三兩服。積滯惡血自利。去肌虛衰婦

人。加乾薑一兩。

治婦人阻病。心中憤悶。吐逆惡心。惡聞食氣。頭眩。四肢百骨節煩疼。沉重怠惰。多臥少起。芸窓論曰。凡婦人受胎。五臟六腑百骸之氣血。皆養胎氣。若稟受壯實者。則無惡阻之證。所受弱者。則百病迭出。如心中憤悶。吐逆。此太陰上冲。惡聞食氣。四肢骨節煩疼。沉重嗜臥者。乃脾肝腎血弱。經云。體重煩冤者。是也。頭眩者。氣弱也。逆也。如好食酸者。肝血虛求救也。治參朮湯。則百病皆除。

人參

錢五

熟地

錢三

白芍

錢三

橘紅

錢二

芎藭 錢二

黃芪 錢五

甘草 錢炙三

柴胡 錢去蘆二

升麻 錢二

防風 錢去蘆二

白茯苓 錢半

白朮 錢五

枳實 錢二 半麩炒

川歸 錢五 無可已

大半夏 湯泡洗七次 去滑另包

右每服五錢。水一鍾半。薑五片。先煎半夏令

熟。次下餘藥。棗二枚。去核。煎一鍾。溫服。不拘

時。

芸臆又云。惡阻者。此繇少陽膽火冲上。少陽乃發之原。人受胎氣。如春之令。萬物始生。氣本升而下降。令木氣抑鬱於胃土之中。不得調達。冲火挾其勢。是猶狐假虎威也。故食下即吐。蓋膽與胃腕相

向。膽火炎上是也。宜服小柴胡湯。亦愈。

柴胡 兩一

黃芩

甘草

人參

半夏 錢各五

右每服水一鍾。半薑五片。棗二枚。煎一鍾服。

如食入即吐者。衝任陰火太熾也。每服加竹

茹。如拇指大。食少者。加白朮一兩。

治婦人阻病。氣攻肩背。兩脇肋腰臍下痛。胎動不安。

人參 兩一

阿膠 兩一 炒黃

麥門冬 去心 兩一

川芎 錢五

柴胡 錢二

升麻 錢二

白朮 錢五

郁李仁 去皮炒 兩半一

白芍五錢 桔梗二錢 神麴五錢

右每服五錢。水鍾半。薑五片。煎一鍾。稍熱服。

治婦人阻病。頭痛。肩背煩悶。往往氣脹。不思飲食。

宜服厚朴丸。

厚朴薑製一兩 白朮一兩 麥冬去心五錢 陳皮去白二錢

赤茯苓一兩 大半夏五錢 人參七錢 前胡五錢

右末煉蜜和。搗三百杵。丸如梧子大。生薑粥

飲下二十九。不拘時。

治婦人阻病。不食。心煩微渴。茅根湯。

茅根七錢 人參一兩 大半夏湯泡半兩

陳皮去白七錢半 白朮一兩 葛根半兩 赤茯苓一兩

藿香半兩 甘草炙二錢半 枳實

右每服五錢。水一鍾半。薑五片。棗二枚。煎六

分服。

治婦人阻病

白朮 人參 當歸 枳殼炒各五錢

白芍 陳皮去白 甘草炙各二錢半

青皮一錢半 升麻

右每服五錢。水一鍾半。薑五片。棗二枚。煎一

鍾溫服。如胃寒。加良薑五錢。又方。香附末湯

調服二錢。

治妊娠傷風自汗。黃芪解肌散。

人參

黃芪

川歸

川芎

甘草

各三錢

白芍

六錢

加蒼朮生地黃亦可

右每服五錢。水一鍾半。薑三片煎一鍾。溫服。

治妊娠傷寒壯熱當發汗。葱白湯。

葱白一握。生薑二兩切片。水二鍾煎一鍾。熱

服取汗。

治妊娠傷寒安胎

白朮

黃芪

人參

阿膠

白茯苓

各等分

薑棗煎服

治妊娠傷寒自痢。腹中痛。飲食不下。脉沉者。太陰

病也。

白朮

白芍

各一兩

甘草

白茯苓

各五錢

黃芪

五錢

每服一兩。水煎去滓。溫服。

治妊娠傷寒中風。表虛自汗。頭疼項強。身熱惡寒。

脉浮而弱。太陽經病。宜表。六合湯

四物湯四兩。加麻黃細辛各半兩。

每服一兩。白水煎服。

又傷寒頭疼身熱無汗脉浮緊太陽經病四物湯四兩加防風蒼朮依上煎服

治妊娠傷寒後下過經不愈溫毒發斑如錦文宜服升麻六合湯

四物湯四兩升麻兩連翹各七如前煎服

治妊娠傷寒汗下虛痞脹滿者陽明本虛也不過服厚朴六合湯

四物湯四兩厚朴兩枳殼麩炒各如前煎服

治妊娠中風頭項強直筋脉攣急言語蹇澁痰涎不消或時發搐不省人事名曰子癇

羚羊角鎊川獨活去木各酸棗仁炒去薏苡米炒

五加皮去木各防風去川芎

川當歸酒浸茯神去木杏仁去皮尖木香

甘草各二分半

右十二味共四錢八分水一鍾薑五片煎取七分服不拘時

治妊娠肝經風熱上攻眼目帶帛失明天門冬飲子

天門冬 知母 荒蔚子各一兩 防風兩半

北五味 白茯苓 羌活 人參各七錢半

右每服四錢。水一鍾。薑三片煎七分。食後溫服。

治妊娠遺尿不禁。服白薇散。

白薇 白芍 各等分

右每服五錢。水一鍾。半煎一鍾。食前服。或作末。每服二錢。酒調服。

治妊娠小便澀痛。謂之子淋。此與臨產小便閉不同。

冬葵子 滑石 木通 榆白皮

葱白七寸同煎服

治妊娠口乾煩渴。上焦壅熱。知母飲。

黃芪 黃芩 赤茯苓 各一兩 去心

知母 甘草 地骨 各一兩 五錢原

治妊娠胎動不安。腹痛下血欲墮者。

芎根 清酒一鍾

右水一碗。煎取一大鍾。去滓。分作二服。溫服。

治妊娠臍燥。悲傷欲哭。象如神靈。數欠者。此臍燥也。宜服大棗湯。

甘草 小麥 大棗 各一兩 十箇

右每服五錢。水一碗。煎至一鍾。溫服。

治妊娠被驚胎動向下不安小腹連腰痛當歸散

當歸微炒 芎藭 阿膠炒 人參

白茯苓各一兩 艾葉半兩 微炒

右每服五錢水一鍾半煎六分溫服不拘時

治妊娠損胎血下不止或腹痛

阿膠一兩 炒 甘草炙一兩 艾葉半兩 炒 雞子二個

當歸一兩 炒

右以水二碗煮甘草艾葉當歸至一碗多些

去甘艾等却下雞子阿膠再煎候膠消化熟

攪分三次溫服不拘時

治妊娠胎氣不和懷胎近上脹滿疼痛胸腹如瓦

覆於上謂之子懸兼治臨產驚恐氣結連日不下

紫蘇散

川當歸二兩 甘草二錢 人參 大腹皮

川芎 陳皮去白 白芍各半兩 紫蘇葉一兩

右每服五錢水一鍾半薑三片葱白二個煎

七分空心溫服

治妊娠四月餘氣膨脹夜不得臥者加味四物湯

四物湯四人參五分 枳殼炒五錢 破故紙炒五錢

右每服五錢水一鍾煎八分溫服不拘時予

到西安大洲。治一婦人製此方。俗謂氣無補法。蓋因血虛。氣無所依。陰不守陽。今則補血。其氣自安。氣血各得其所歸。

治妊娠胎痛。乃血不足。故胎痛。

熟地

兩二

川當歸

兩一

右剉作一服。水二碗煎一碗。頓服。出保命集

治妊娠漏胎。服二黃散。

生地黃

熟地黃

等分

右末。用枳殼白朮煎湯。調下一兩。日二服。出

保命集

治妊娠從高墜下。腹肚痛。下血。煩悶。益母散。

益母草

生地

各一兩

川芎

綿芪

各半兩

右每服五錢。水一鍾半。薑三片煎六分。食前

服。

治妊娠偶有所傷。腹痛不安。縮砂湯。

川歸

川芎

熟地

各二錢

白芎

二錢

縮砂

兩一

右將縮砂炒令黑色。杵碎。每五錢。水一鍾煎至六分服。或單用炒縮砂末。每二錢熟酒調下。縮砂炒勿令焦黑。如不飲酒者。米飲調下。

覺胎中熱則胎安矣。

治妊娠三四月間心驚膽怯名曰子煩。麥門冬湯。

麥冬去心 白茯苓去皮 防風各一兩 人參半兩

右每服五錢。水一鍾。半薑五片。淡竹葉十片。

名桃枝竹煎至七分。溫服不拘時。

治妊娠胎動不安。心神虛損。腹痛。阿膠散。

阿膠炒一兩 白茯苓七錢 麥冬去心七錢 柴胡七錢

甘草炙半兩 黃芩半兩 川歸半兩 芎藭一兩

右剉每服五錢。水一鍾。半薑五片。棗三枚。煎

六分。稍熱服。

治妊娠胎動不安。手足煩疼。竹茹散。

淡竹茹一兩 桃枝兩 川歸二兩 芎藭

黃芩各一兩 甘草炙半兩

右每服五錢。水一鍾。半煎七分。食前溫服。

治妊娠腹中覺冷痛。或胎動不安。或不痛。白朮散。

白朮七錢 草薺一兩 薤一兩 甘草炙半兩

川歸一兩 白薑炮五錢 芎藭五錢 製朴一兩

右每服五錢。水一鍾。半薑三片。棗三枚。煎六

分。食前溫服。

治妊娠胎上逼心煩悶。

產寶雜錄

用葱白不拘多少濃煮汁飲之。

治妊娠胎上逼心下血不止阿膠散。

花銀煎一筋水一斗阿膠切炒芎藭

川歸炒熟地黃各一兩

右每服五錢以銀汁一鍾半煎至六分溫服

不拘時。

治妊娠下血疼痛不止方用家雞毛燒灰細研以

溫酒調下二錢約人行五里再服以效為度

治妊娠從高墜下腹痛下血面色青黃阿膠散。

阿膠碎一兩切木香五錢芎藭五錢熟地

川歸炒白朮 桂心各五錢白薑炮二錢半

右剉每服五錢水一鍾半薑一片煎至六分

溫服不拘時。

治妊娠猝驚奔走從高墜下腹痛下血不止當歸

散。

川歸一兩半炒阿膠二兩炒艾葉一兩微炒芎藭一兩

右每服五錢水一鍾半煎六分次用生薑汁

生地黃汁半合馬通汁半合煎三兩沸溫服

不拘時。

治妊娠僵臥胎轉動上搶心困篤蟹爪湯。

蟹爪

二兩

甘草

炙七錢半

桂心

五錢

鹿角膠

一兩

右每服五錢水一鍾半煎至六分溫服不拘時。

治胎前臍作痛。或作聲者。溫米飲下益母丸。

治胎動出血。產門痛。以黃連為末酒調一錢。日三服。

治漏胎下血不止胞乾。子母俱死。急救之。

生地黄

汁一升

酒五鍾

右同煎三五沸。作三服。或地黃為丸。酒調服。

治妊娠三四月嘔吐不食。此惡胎也。

祝老娘云。此子長大必不孝。

生蘆竹根

一兩

青竹茹

橘皮

前胡

各四錢

大腹子

檳榔

各一錢

右每服四錢水一鍾薑五片煎六分空心溫服。

治妊娠三四月胎動不安。防其欲墮。宜預服杜仲丸。

杜仲

去粗皮薑汁浸炒去絲

川續斷

酒浸各二兩

右為末。棗肉爛煮杵丸。梧桐子大。每服七十丸米飲下。食前。

治妊娠十月滿足臨月一日為始。便服東胎丸。此

出保命集。至妙至妙。服此藥。關防多少。證候。不可盡述。

白朮

枳殼

炒各等分爲末

右將飯。荷葉包。於灰火中煨過。搗爛。細和藥。丸梧子大。每服五十丸。空心熟水下。臨產了。住服。

治妊娠臨到十月以來。多有小便不通。此乃胎氣墜下。逼壓脬閉。不得小便。切不可作尋常小便不通治療。如服通利小便藥。則死不旋踵。止宜服前束胎丸自愈。或藥內加黃芩滑石亦可。如胃寒者。

不用加此藥。至妙至妙。謹之慎之。

治妊娠第十箇月。胎氣逼壓。脬閉不得小便。升胎飲。

升麻

五分

柴胡

三錢

防風

三錢

川歸

五錢

黃芪

白朮

各五錢

白茯苓

二錢半

枳殼

五錢

右每服五錢。水一鍾。半煎至一鍾。食前服。

治胎前臍腹刺痛。胎動不安。血不止。用水煎。蓼芩糯米。或川歸湯下益母丸。

治妊娠心腹痛不可忍者。及腰腿痛者。延胡索二兩。肥者爲末。每五錢。溫酒調服。食前。或加熟地末。

一兩尤妙。

治難產。芸臆論曰。產育之事。出乎造化。造化之妙。豈易言哉。大槩產母稟受天元一氣。有盛衰強弱之不同。或因丈夫醉酒淫慾。觸犯者有之。或有不開產門。或窄狹者。或胎肥者。或初產不能受痛。用力起倒勞倦者。或因穩婆鹵莽。用手觸犯而腫者。此言之不盡。予每每治難產。纔覺腹痛。便投益母四物湯。往往得效。胎衣亦易下。產後亦無餘證。甚妙甚妙。

益母草

五月五日午時採陰乾不見鐵二兩

川當歸

熟地

川芎

白芍

各五錢

人參

五錢如無亦可

右每服一兩。水二鍾煎取一鍾溫服。連進三四服。妙甚。

治難產。或胎動。子死腹中。或孕兩子。一子已死。一兒即活。令死生出者安。此方神效。

蟹爪

一斤

甘草

長二尺炙

阿膠

二兩炒令黃為末

令

右順手取東流水五升。先煮蟹爪甘草。取汁二升。入膠末令消烱。溫取一小鍾頻頻服。人困極微開口。灌藥入口。即活。宜東向竈用藥煮之為好。

產寶雜錄  
治婦人欲產時。先用童便下益母丸一丸。安魂定魄。血氣自然調順。諸病不生。又能致血止痛。養脈息調經絡。

治難產。以黃蜀葵花子四十九粒。爲末酒調服。亦治橫生倒生。更加好滑石白芷百草霜各三錢爲末。雞子炒酒服。約人行四五里卽下。

又方。以桑樹上蛙蟲糞。燒灰研細。順手取東流水調下一二錢。難者不過一二服。

治難產。橫逆生者。亦能安胎順氣。以五月五日午時採益母草陰乾修合。用石磨爲末。煉蜜丸如彈

子大。每服一丸。臨產童便溫酒下。如氣不順。用木

香人參湯下。此藥忌鐵器

治難產。及橫逆死胎。

真芝麻油

蜂糖

右各一兩。用新碗二隻。各煎令沸。傾作一碗。再煎令沸。候溫作一服。未產再如此服。

治產門不開。開骨丹。滴乳不拘多少爲末。必於五月五日午時修合爲上吉。七月七日爲次吉。每月上辰日又居次。以猪心血和乳香爲丸。如梧桐子大。硃砂爲衣。日乾。每服一丸。面向東。冷酒吞下。丁

香煎湯亦可。如未下再服一丸。更不下。以荷葉心  
蒂七箇。水二鍾煎至一鍾。溫化一丸。此藥靈驗。如  
神。後用開關湯洗。右以朴硝漢椒煎湯。乘熱用舊  
帛蘸湯薰洗產門及小腹下。冷則再溫再盪。  
治因穩婆觸損產門腫痛。或母本身骨槽不開。或  
破者。解危湯。

滴乳

六七粒

蒼朮

七塊切

朴硝

七錢

右用大砂餅一箇。陳酒一鍾。猛火煎令極滾。  
七重紙封瓶口。上扎一孔。令氣出上薰產門。  
其骨自開。腫消硬軟。妙甚。

治產難催生日月餅。杏仁一箇。和皮擘開作兩片。  
寫日月兩字。復合。用菜葉包。以酒吞下。  
治產難。或橫。或倒。或胎死。爛脹於腹中。

生大柞木枝

二兩

甘草

半兩

右用順流水三升。順手取於砂瓶中。煮時用  
紙密封。煎至碗半。令香。去滓。覺脹痛便先准  
備。候坐草時。溫溫將一鍾。令產母服。便覺心  
中開豁。如覺再渴。再飲至三四鍾。便產。更無  
諸苦。此方至驗。

治難產。兼胎衣不下。

草麻子

十四箇

硃砂

雄黃

各一兩半

蛇退

一條

右末用漿水飯和丸。如彈子大。臨產時先用椒湯淋洗臍下及產門。次安藥丸在臍內。却用野苧麻根研細貼臍下。用油紙遮藥上。以闊帛纏定。須臾生下。急取其藥。一丸可用三人。

又方。以半夏白薇各一兩為細末。下胎酒服一錢。若產難只一服。橫生二服。倒生三服。或兒死在腹四服。或更加代赭石瞿麥各二兩尤佳。

芸窓曰。予往往遇人難產。以八門遁法。令產婦向生門坐。即產。妙不可言。古聖立法。不可測矣。

治產後諸證。芸窓論曰。產之後氣血大脫。或腹痛。頭痛發熱。少思飲食。四肢怠惰。語言聲低而無力。氣不相接。目睛不了。此皆血氣虛弱。縱無前證者。是產母本身壯實也。庸俗之醫。以腹痛謂之兒枕痛。反上下血之劑。以熱不可用補藥。謂之熱不可補。用發散之藥。正謂之實實虛虛。變生諸證。錄此始矣。兒枕之說。此說不知從何人立。此論獲罪多矣。且如鄉間積祖醫婦人之家。亦如此說。孟子云。

非助苗者也。揠苗者也。夫兒懷在腹中。踞脚以坐。兒枕放在何處。此等之徒。恣意妄言。以惑世人。識者幾人矣。腹痛者。腎虛也。發大熱頭痛。血逆也。不思飲食者。蓋為血弱也。又有一產之後。便食雞蛋。或軟肉等物。胃血弱。不能尅化。遂致內傷。大凡產後證候。全類傷寒。敗證必於四物湯內加減用。俗云生兒無慣熟。予思之。治產後證。亦慣熟難矣哉。治產後腹痛。或發大熱。頭疼。四肢怠惰。不思飲食。益母四物湯。

益母草 二兩

四物湯 各一兩

右每服用水二鍾。薑三片煎八分。溫服不拘時。

又用補中益氣湯。

人參

川當歸

黃芪

白朮 一兩

橘仁 三錢

黃芩 五錢

升麻 三錢

柴胡 去蘆 四錢

蒼朮 五錢

益母草 二錢

右每一兩。水二鍾。薑五片。棗二枚。去核。煎取八分。溫服。不以時。如胃寒。加良薑五錢。

治產後陰門開不閉。

蛇牀子 去土 炒

五倍子

白礬

右等分。每一兩水一碗煎七八滾。乘熱用舊衣帛蘸藥滌洗。再溫再洗。

治產後腹痛泄瀉。調中湯。

白朮 川芎 甘草

良薑 各一兩 升麻 黃芪 桂心

白芍 熟地 各五錢 吳茱萸 一兩

右每服五錢。水二鍾薑三片煎至一鍾溫服。如脉遲細弦者。或痛瀉不止者。可每服加生附子半兩。先煮令極熟。次下餘藥。切不可一齊下。或有因傷風。乃肝木刑肺。亦有之。如此

則加防風五錢。

治產後血暈心悶恍惚如見鬼狀。獨聖散。此血走入肝經

五靈脂 真者六錢半生半炒熟

右為末。溫酒調下二錢。口噤者。幹開灌之。入

喉即愈。若用荆芥穗末等分。童便調下亦好。治產後血暈。古法纔分娩了。便用炭火。以好醋潑火。令氣薰冲。免血暈之患。常用得效。

治產後血暈。及九竅內出血。煩渴不止。欲死者。此方可活。

芸薹子 川歸 各一兩 白芍 肉桂 各半兩

益母草

右益母草須倍加用。每五錢。童便與酒各半。鍾同煎至七分。熱服。

治產後風氣在表。面目四肢浮腫。宜加減七聖丸。每二十九。白湯下。日加三四丸。以利為度。如浮腫喘嗽。加檳榔木香倍之。謂氣多浮則腫。如頭目昏冒。加羌活防風川芎。謂多風也。如浮腫。只服七聖丸。

郁李仁

去皮

大黃

蒸焙各一兩

肉桂

去粗皮

羌活

檳榔

木香

川芎

右末煉蜜丸。梧桐子大。每二十九。溫水下。食後臨臥服。

治產後敗血停積五臟。流入四肢。令人浮腫。不可作水氣治之。但調經水。腫自消。又有因去血過多。心虛易驚。加生龍腦葉枝一握。煎服。

沒藥

另研

肉桂

各一錢。不見火。

細辛

洗半錢。

麝香

另研半錢。

右為末。每服二錢。生薑湯溫酒任意調下。

治產後中風。口噤牙關緊急。瘕癥。角弓反張。以荆芥穗川歸等分為末。以豆淋酒每二錢調下。童便尤妙。

治產後百病疼痛。一捻金散。

馬蘭草醋炒麒麟竭 沒藥

乳香各半兩

川歸一兩

右末每三五錢熱酒調下。此方產前百病亦治。

治產後因血虛。或敗血發熱。腹中疼痛。煩熱不安。或脹滿飲食不下。小便澁多。是腸癰經去血。或不足。逆於內裏。亦有生在陰門者。宜服瓜仁散。

冬瓜仁二合薏苡仁一合桃仁去皮尖牡丹皮去木各三錢

右每四錢水二鍾煎至一鍾。食前服。

治產後纔三四日。值盛暑。忽發大熱。敗血攻心。狂言叫呼。奔走掣捉不定。診其脉虛疾而大。惡露不行。

乾荷葉 生地 牡丹皮去木

右濃煎。以真蒲黃二錢作一服。以前藥汁調服。惡露即下。遂安。

治小產後。惡露淋瀝不斷。將近月餘。服諸藥不效者。用真五靈脂。微炒焦為末。飯糊丸。桐子大。每服三四十九。米飲或酒任下。隨手效。

治產後用力太過。陰脫不收。右先用大麥米洗取

汁水入鹽少許。冷洗。令其潤澤。次用桑白皮濃煎湯。乘熱薰洗。按上。永不再下。

芸窓論。婦人陰脫不收。古方止言坐草用力太過。然莫知其病從何來。愚謂人之五臟六腑。譬如天之星辰。火氣舉之。陰脫不收。皆肝腎虛弱。失守下焦。兼元氣不足。不能升運。故也。醫者不考其源。無法治療。予嘗以男子疝氣藥中。加減後。見效用。葫蘆巴。黃芪。以補元氣。破故紙。收攝腎氣。川萆薢。川練子。益腎水。小茴香。宣通腎氣。木瓜。御米殼。訶子皮。酸澁收固。肝腎氣血。河間云。澁可以去脫。升麻

防風能收其氣。經云。下者舉之。或腰胯痛者。有寒也。加生附子白薑。或小便淋瀝者。氣弱也。加甘草稍。升陽益氣湯。

黃芪 五錢

胡蘆巴 五錢 鹽炒香

破故紙 二錢

小茴香 三錢 炒

川萆薢 三錢 酒洗

川練子 三錢

木瓜 二錢 鐵不見

訶子皮 二錢

御米殼 二錢 蜜炒

升麻 五錢

防風 三錢

甘草稍 三錢

右分作七服。或八服。每服五錢。水一鍾。半煎。取一鍾。食前服。如腰胯痛。加生附子二錢。乾薑二錢。亦分作八服。如用薑附。先煎薑附。令

極熟。次下餘藥。

治產後生腸不收。用枳殼煎湯。溫浸。良久卽入。

治產後子宮脫出。有一老婦云。我昔受此苦。用酸豚草。俗名老鴉酸。又名鵝鳩飯。煎湯。用草坐就瓶薰。纔薰收半。稍溫。下手洗。卽安收。

又方。用荆芥皂角炙爲末。煎湯洗了。用鐵漿塗。用磁石煎湯服之。卽收。

又方。濃煎羌活湯溫服。

又方。荆芥穗 藿香葉 臭椿樹皮 各等分

右將前藥煎湯薰子宮。卽入。

又方。用草麻葉 有丫角者好

白礬 飛過各等分

右末以紙攤藥。須用手托紙藥於脫處。徐徐用手托入。

又方。用五倍子白礬爲末。溫湯泡洗。先用淡竹葉根煎湯洗。後用前乾糝立效。

又方。用黃栢一兩爲末。浸冷水洗。或溫水洗。却用飛鼠糞燒煙薰入。或用草麻子塗頂心。吸入仍洗前藥。

治產後臍腹刺痛。用川歸煎湯。下益母丸。

治產後胎衣不下。落在胎中。又橫生不順。死胎。經

日不下者。腹脹滿悶。心痛炒鹽點湯。下益母丸。  
治產後中風。牙關緊急。半身不遂。失音不語。用童  
便和酒各半鍾。調下益母丸。

治產後咳嗽。胃膈不利。惡心口吐酸水。面目浮腫。  
兩脇痛。舉動無力。溫酒下益母丸。

治產後兩太陽痛。呵欠。心忪。氣短。肌體羸瘦。不思  
飲食。血氣身熱。手足頑麻。百節疼痛。溫米飲下益  
母丸。

治產後眼前黑暗。血暈血熱。口渴煩悶。如見鬼神。  
狂言不省人事。薄芎自然汁。如無生者。濃煎乾薄

芎湯下益母丸。不如和童便與酒相停下。

治產後垢面顏赤。五心煩熱。或血塊臍腹奔痛。時  
發寒熱。有冷汗者。童便和酒各半。下益母丸。或薄  
芎自然汁亦可。

治產後餘血惡露不盡。結滯腸臍刺痛。惡物上冲。  
心胃悶者。童便和酒各半。下益母丸。

治產後大小便不通。煩躁口苦。薄芎自然汁。下益  
母丸。乾者煎湯亦可下。

治產後瀉血者。棗湯下益母丸。

治產後白帶下。膠艾湯下益母丸。

治產後忽然顛狂者。切不可鎮心藥。補其心。則難治。只宜小柴胡湯。加生地黃煎服。

治產後腸中痒不可忍。以針線袋安所臥褥下。無令患者知之。

治產後閉目不語。孤鳳散。用白礬末一錢。熟水調下。

治產後因寒氣入產門。臍下脹滿。手莫敢犯。此寒疝也。服仲景羊肉湯。用生薑同羊肉煮汁服愈。

治逆產脚先出者。

烏蛇蛻

一條

蟬脫

十四箇

血餘

小兒胎髮一箇

右三味燒灰。分作二服。溫酒調下。連進二服。仰臥少時。兒即順生。或用小絹針於兒脚心刺。竟不必行此法。

治婦人難產。催生極妙真祕方。用路邊東廁踏板。上泥土。以竹篦刮起。研篩去砂。加麝香少許。以米飯丸如櫻桃大。瓦罐封。直候產婦坐草時。痛甚至艱難。順取長流水送下。未至危殆。不可服之。

治胎死不下。以利斧頭燒令通紅。置酒中待微溫。令飲之即下。

又方。川歸

一兩

芎藭

七錢

瞿麥穗

七錢

右作一服。用米醋一鍾水一鍾半煎八分。分作三服。溫服。

又方。朴硝為細末二錢。溫童便調下。見信效方

又方。胎死不下。或胞衣不下。用肉桂心二錢麝香一錢

右研勻酒調服。須臾如手推下。酒不如童便。

然此亦不如煎四物湯。一二服之。

又方。用黃牛糞塗腹上。立出。

又方。用川歸煎湯。吞槐子十四粒。即效。

又方。取竈下黃土。三指一撮。以酒調服。立效。

又方。以丈夫小便一大鍾。煖飲之。立效。

又方。以醋二合。擦口開灌之。即出。

又方。以蟹爪散。方見前

治小產下血至多。子死腹中。其人增寒。手指甲青。

白。面色黃黑。或胎上搶心。悶絕欲死。冷汗自出。喘

滿不食。或食毒物。或誤服草藥。傷胎下血不止。胎

尚未損。服之可安。已死。服之可下。至妙。

牡丹皮 白茯苓 桂心 桃仁炒

赤芍等分 益母草加倍

右末蜜丸如彈子大。每服一丸。細嚼。淡醋湯下。連進二丸。危甚者亦可取出。

治胞衣不下。奪命丹。

附子

半兩去皮臍炮

牡丹皮

去木乙兩

乾漆

二錢半切細炒煙盡

右為末。米醋一升。大黃末一兩。同熬成膏。丸

桐子大。每五七丸。溫酒下。不以時候。

治妊娠有他病。欲去胎方。瓜萋湯。

瓜萋

桂心

各二錢

豉

一升

右以水四升。煮取一升半。服之。

又方。附子一箇為末。以醎醋調成膏。塗右足心。即下。

又方。瓜萋根

四兩

肉桂

五兩

牛膝

二兩

瞿麥

一兩

右每一兩。水二碗。煎一碗。空心服。

又方。以官桂末一兩。入麝少許。酒調服。又用桂末

些少。抹入產戶中。引氣下行。即下。

又方。以川芎末三錢。酒調空心服。

又方。以肉桂末二錢。以童便調服。又能下胞衣。尤

妙。

又方。麥蘖一升。白沙蜜一升。

右二味相和。煮服之。胎即出。或只用麥肉末。

每三錢。水一鍾。煎至七分服。

治婦人欲斷產方。

產實難保

以蠶故紙。方圓一尺。燒灰為末。酒調服。終身不復孕矣。蠶退紙用原蠶者好。即五熟蠶也。治鬼胎。如抱一甕。

吳茱萸 川烏

秦艽 柴胡

白僵蠶 直者洗

巴戟 生用去心 巴豆 去殼不用油

芫花 醋煮各等分

右為末。煉蜜丸。桐子大。每七丸。蜜酒吞下。取出惡物。即愈。

治妊娠兒在腹中哭。

用多年空屋鼠穴中土一塊。令產母噙之。即

止。

又方。用川黃連濃煎汁。母呷之。

治胎前諸般淋瀝。小便不通。醫作轉脬。他藥不治。

此方極效。

檳榔 赤芍 各等分

右為粗末。每五錢水一鍾半煎七分去滓。空心服。尋常男婦血淋。及小便淋漓澁滯。水道疼痛。服此立效。

治產後因坐草用力太過。陰脫不收。刺猬散。

刺猬皮 一箇燒存性 磁石 桂心 各半兩

右為末。用鱉頭一箇燒灰另研細。每服二錢入鱉頭灰半錢匙。米飲調。空心服。仍用後藥薰洗。

香附子 荆芥穗 五倍子 白礬各等分

右每一兩煎湯薰漂洗。再溫再洗。

治婦人室女月事不來。經四月不來。皆腠脉閉也。

用茶調散吐之。次用玉燭散。芎藭湯。三和湯。桂苓

白朮散之類。降心火。益腎水。經水通後。服四物湯。

茶調散

瓜蒂不拘多少 好茶中停

右為末。每服二錢。薑汁調下。

玉燭散

白芍 川歸 熟地 川芎

厚朴製 枳實炒 大黃 朴硝各等分

右每五錢。白水煎。食前服。

三和湯

川歸二兩 芍藥 熟地 川芎

大黃 連翹 甘草 黃芩

薄芎 朴硝 梔子各一兩

右每服五錢。白水一鍾半煎一鍾。食前溫服。

桂苓白朮散

官桂 茯苓

白朮 各半

甘草

澤瀉 石膏

寒水石 各一兩 滑石 二兩

右末。熟湯調三錢。新水薑湯亦可。食後服。

治婦人氣喘。手足煩熱。骨蒸寢汗。口乾引飲。面目浮腫。

天門冬 去心皮 十兩 麥門冬 去心 八兩 生地黃 三斤取汁煎膏

右將二門冬為末。不要見鐵。石臼杵細。用地黃膏和。九桐子大。煎逍遙散吞下。

川歸 微炒 白茯苓 去皮 白芍 白朮

柴胡 加人參 荆芥穗 防風 各等分

右每三錢。水一鍾。煨薑一小塊。薄荷少許。煎七分。溫吞前九子。

治婦人遍身生風。丹赤痒。四物湯加凌霄花一兩。調袋米一錢。右入酒少許。食後連進二服。即效。

治婦人遍身起冷丹。此俗呼也。北人呼為飯吃搭。此血熱也。

生益母草 生馬鞭草

又方。以廁籌燒煙薰之。永不再發。治婦人寒邪。手足麻木。

白芷 陳皮 川芎 麻黃節不去

甘草 白朮

右六味剉。每服五錢。薑三片。棗一枚。水一鍾半。煎至八分。

治婦人血崩。以縮砂末。酒調服二錢。至妙。

又方。紅花 陳棕皮 荔枝殼各等分

右燒灰存性為末。每三錢。陳米飲湯下。

又方。獨聖散。

良薑為末。每三五錢。濃煎艾湯調。食前服。如老婦人。加大椒一兩。臍下冷痛。加五靈脂二

兩。作丸子服。

又方。蟹殼 艾葉 蓮蓬殼

右燒灰存性為末。每服二三錢。酒調下。

又方。用藕節切片。焙乾燒灰。飯丸。桐子大。每六七十九丸。空心米飲下。又用藕煮熟。於菜羹裏。理如食法。隨意如常食之。以悠久為上。自然而愈。更服四物湯妙。

治婦人虛勞百損。內傷血氣。風冷客邪。耗散真氣。臍下久寒。積痛難忍。小便淋瀝。腰背拘急。陰弱盜汗。頭目昏重。不時寒熱。血崩帶下。繞臍撮痛。諸醫

不差。此方立效。不可具陳。孫氏方。

紫稍花 韶粉 破故紙炒 胡椒

蛇牀子去土各一兩

右末煉蜜丸如桐子大。每服二十丸。熱酒空心下。食乾物壓。一日三服。至三十丸。又將此藥末一兩。酸醋一大升。或好酒一升。煎令大沸。令婦人披衣。於收口瓶兒上薰陰戶。通手淋洗。盆下用火。如冷再溫。如此三五次立效。此方大驗。幸勿輕視。

治婦人脾血痺。經脉不通。即化黃水。水流四肢。則

遍身皆腫。名曰血分。其候與水腫相類。庸醫不識。便作水病治之。只恐喪命。宜服當歸丸。

人參 川歸 大黃蒸 瞿麥穗

赤芍 肉桂 白茯苓 苦苧蘆各等分

右末煉蜜丸。梧子大。每三十丸。空心米湯下。

治婦人身黃額黑。日晡發熱惡寒。小腹急。足下熱。其脉浮緊。謂之女勞疸。腹滿者難治。此病富貴之家。或薄劣之人。男女同室而浴者。多成此病。出千金方

滑石 石膏煨等分

右末。大麥粥飲調下二錢。名石膏散。

產寶錄金  
治女勞疸。

消石

煨汁 盡

白礬

煨汁 盡

右末每二錢。以大麥粥飲調服。日三服。厚衣被。覆取汗。若大便黑。小便黃。是效也。

治婦人白帶。香白芷切作小片。用石灰炒黃色。去灰淨為末。每服二三錢。陳米湯調空心下。

又方。小茴香一兩。炒香為末。每二錢。瓜蒌子煎酒一鍾調。空心熱服。日二服。

治婦人赤白帶。白濁。

黃荊子

即杖子 者炒

為末酒調下二錢。

又方。石菖蒲

欖子

等分

為末。鹽酒調下。

又方。赤白帶下。及尿水不止。如崩之狀。

赤芍

炒紫色鋪地上出火毒

黃狗頭骨

燒存性 各二兩

右為末。每二錢酒調服。

又方。治白崩。

棕櫚

燒灰

絲瓜

燒灰 各等分

右為末。空心鹽酒。或湯調下。

又方。治白崩。以五月蠶沙炒赤。煙盡為度。為細末。糯米糊為丸。或餅子。陳米湯。或酒任下。

又方。治冷帶及無子。用雞子殼

五兩燒灰研細

綿子

二兩煨 令煙

右為末。酒糊丸。每二十九。空心酒下。

治婦人陰中生瘡。如蟲咬痛。用生桃葉搗細。綿裹入陰中。日三四易之。立愈。

又方。用黃丹。枯白礬。篇蓄。藁本。各一兩。硫黃半兩。蛇蛻一條。燒灰。荆芥。蛇牀子半兩。右研極細。另用荆芥。蛇牀子。煎湯溫洗。軟帛挹乾。香油調塗。如瘡濕乾。糝。

又方。青黛

黃丹

輕粉

五倍子

等分爲細末

右將賣肉鋪拭肉布。燒灰爲末。和前藥。以小絹袋盛。入陰中。糝乾。用荆芥。薄荷。栢葉煎湯洗。用前藥以香油調塗之。

又方。先用黃芩。海桐皮。白礬。韭菜。煎湯洗。後用破鼓牛皮。燒存性。細研。入輕粉在內。用雞腸上刮下膏膩。調藥塗瘡上。如蟲喫入陰內者。用雞子一箇煮熟。去殼。塗藥末於上。綿子兜入陰中。如洗了。向火炙患處。得痒卽蟲行。若身微作寒。服藿香正氣散二三服。

治婦人陰門痛。用烏賊骨爲末。酒調一二錢。食前服愈。

又方。灸足大姆指當中橫紋處七壯。卽愈。

治婦人患臍下小腹連陰。遍生濕瘡。狀如馬瓜瘡。

他處並無。且痒而痛。大小便澁。出黃汁。食減面微腫。醫作惡瘡。治用鰻鱗魚。松脂。黃丹之類。傅上。其瘡愈熱愈痛。問此婦平日嗜酒。喜啗魚蟹。動風等物。急以溫水洗去前藥。以馬齒莧四兩。研爛細。入青黛一兩。再研勻。傅瘡。即時熱減。痛痒皆去。仍服八正散。日三服。瘡漸可。二十日全愈。此瘡乃下焦畜風熱毒氣。若不出。當作腸癰內痔。此婦不能禁酒及動風物。後果患內痔。治婦人陰腫。大如升核痛。不問男子皆可用。馬鞭草搗汁塗之愈。

又方。治陰腫堅硬。枳殼半斤。打碎炒熱。絹帛裏熨患處。冷則易之。

又方。平胃散。加貫衆爲末。熟猪肝拌藥。入陰戶內數日可痊。

治婦人陰中生痔。凡九竅內有肉突起者。皆名痔。右用烏頭七箇。燒存性。以小瓦罐盛米醋。淬乘熱薰。候通手。沃之。

治婦人乳癰。

黃色瓜蒌

子多者一箇切細

川歸

半兩 甘草

半兩

沒藥

二錢半另研

乳香

一錢另研

皂角刺

紫色者一兩細切炒黃

一兩

右用無灰酒三升。銀石瓦器內入前藥。慢火熬取一升清汁。分作三服。食後服。如已成能化膿為水。疾甚者再修合服。以退為度。

又方。瓜蒌子 忍冬葉

右各一兩。濃煎汁飲。即消。

又方。絲瓜子。即天羅子。燒灰酒調下。立效。

又方。瓜蒌散。

瓜蒌子

并穰切 細炒乾

皂角刺

炒黃

甘草

炒

御米殼

細切蜜 炒乾

白芷

炒

右等分為末。每二錢。酒調食後服。日三服。壬

子六月。有婦人年及四十。素不生育。忽生此疾。初發如彈子。漸大如拳。山中無藥。予製此方服之。漸愈。如大便秘。加大黃服。

治婦人乳兒者。忽乳痛。紅豆散。

小赤豆為末。食後酒調二錢服。

治婦人女子乳頭生小淺熱瘡。痒搔之。黃汁出。浸

淫。名曰妬乳。又有飲兒乳皆欲斷。赤龍湯。槲皮一

二斤。切細。水一斗。煮取五升。夏月冷用。冬溫用之。

洗即愈。若深敗爛久瘡。洗亦愈。切莫傳膏散

又方。益母草。即野天麻。切五升。水一斗。煮取一升。

隨寒熱洗極能殺痒。

治婦人血風攻腦頭旋悶倒不知人事以五月五日午時採蒼耳嫩葉心不拘多少陰乾為末常以酒調二錢服其功力大善通頂門。

治婦人氣力衰少脉澁不利絕無乳汁用猪蹄二隻通草五兩。

右將猪蹄理如法以水一斗同通草煮取四五升取汁服乳即通。

治婦人曾用毒藥下胎者藥毒衝心外證牙關緊急口不能言兩手強直握拳頭低自汗身微熱外

證與中風相似但以脉浮而軟十死一生醫多不識作中風治之必死無疑用白扁豆為末新汲水調下豆用生者。

治婦人小便不通曾有一婦人患此諸醫通用淋藥無非通滑之劑並無效驗忽遇一醫診視云左右尺脉皆沉而微其證乃陰虛小便難故也遂用大附子一箇八錢重去皮臍炮熟放鹽水內浸良久同不蛀澤瀉八錢重水煎服每服用燈心七莖煎服隨通立愈。

芸窻論曰淋祕不通俱有寒熱豈可槩言為熱前

證用附子而治愈。藥雖是而論非也。既陽盛陰虛。焉用附子而得愈。此不明造化之理。蓋水極似土。寒極則冰。故也。所用附子亢陽之劑。寒散冰釋。則水流矣。此謂之陰盛陽虛耳。

又方。治淋病。白朮二兩炒黃色。篩去細屑。

右為末每五錢。用石葦葉煎湯調下。

治婦人急心疼方。

真蛤粉為末。炒赤色。酒調熱服。

治婦人血氣刺痛。

香附子咀二兩。用瓦瓶。酸醋煮一伏時。取出

炒乾為末。每一兩入甘草三錢。同末。以鹽酒

鹽湯任下。

又方。神麴香附各炒赤為末。熱酒調下二三錢。

又方。治婦人臍腹疼痛。不省人事。只一服立止。芸

窻云。人謂是心氣痛誤矣。蓋木盛則痛。肝病也。

白芍 五靈脂以其能走木通去皮各

右為粗末。每四錢。醋一盞煎三沸。再入水一

盞再煎三沸。去滓。食前溫服。

又方。治老婦血氣痛不可忍者。

老松皮醋炙 玄胡索等分

右爲末。用秤錘燒紅。淬酒調下。

治婦人血崩。

當歸全用 熟地黄 白芍 川芎

大葉艾 阿膠炒研 黃芩去爛者各半兩

右爲粗末。每四錢。水一盞半。薑五片煎至七分。去滓空心溫服。

又方。治積年血崩。用草血竭蒸熟。油鹽薑淹嚼。酒嚥下。或收爲末。薑酒調服。

又方。棕毛 垢膩髮 千里馬即草鞋後半截

右各等分燒存性爲末。酒調服。

又方。溫酒下益母丸。

又方。治室女血崩。不問冷熱皆可服。

荆芥 蓮房等分各燒灰

右爲末。每二錢。空心米飲調下。

又方。椒目焙爲末 綿子燒灰各等分

右每服三錢。以鹽酒調服。

又方。陳蘿蔔子。炒赤細研一大盞。陳皮湯下。中年人弱者。用四物湯。加茱萸生薑肉桂。

治婦人月水不止。木賊散。

木賊二錢 赤芍 荷葉 栢葉各一錢半

神麩半兩  
微炒

右為末。每二錢當歸酒下。

又方。用牡礪火煨為粉。研細。用醱醋搜作團。再煨通紅。候冷研細。用艾葉為末。醱醋熬為膏。和礪粉丸如梧子大。每四五十九醋艾湯下。

治婦人乾逆。用白芍為末。薑三片煎服。

治婦人臟燥。自歌自笑自哭。紅棗燒灰存性為末。

米湯調下無時。

治婦人血氣沖心欲死者。芫花三錢 吳茱萸五錢

右為末炒薑酒下

治婦人經病。每遇立夏後。自覺五心煩熱。手脚懶舉。身體沉重。飲食少進。俗謂之疰夏。此熱傷氣也。宜服解肌散。

人參 川歸 柴胡 黃芩

大黃 芍藥 甘草各等分

右每服五錢。水一鍾半。薑五片。大棗二枚。去核。同煎服。宜通血氣。如有熱。倍加人參。以熱退為度。久病除。新病不生。最補益人。

治婦人冷熱不和。心腹時痛。或水瀉。或乳汁不好。

香附 良薑 赤芍 烏藥等分

右爲細末。每服一大錢。水一鍾煎取六分。去滓溫服。如心腹痛入酒煎。水瀉米飲下。治血淋不止。并赤白帶下。

芍藥 當歸 生地黃 川芎

阿膠 艾葉 黃芩 蒲黃炒

茯苓 甘草 赤石脂 荊芥

右炒糯米一撮。白水同煎。空心服。

治男婦食冷物停積。胃膈脹滿。大小便不通。危極者。

大黃 荊芥各等分 爲粗末。白水煎服。

辨傷寒陰症陽症法

傷寒陰症似陽。陽症似陰。不能別。如發熱而吐瀉。如無汗而狂者。此藥主之。

葦茛一味爲末。用乾麵炒黃。居葦茛四分之

一。右爲細末。酸米醋調。丸如雞子大。令患人

兩手握。如陰證。則自然緊握。汗出而愈。如陽

證。則自然撒去。只此可以隨證用藥。

傷寒陰陽二證不分者。宜服獨參散。一兩作一服。汗出卽愈。

行醫撮要方

每患癰疽腐肉不去。外科以杖去之。不宜。宜用芸香降香二味。燒煙薰之。腐自去。甚神妙。

應夢人參散。治傷寒體熱頭疼。及風壅痰嗽咯血。  
出三方

白芷

乾葛

青皮

桔梗

炒

白朮

人參

各三兩

甘草

三分

乾薑

炮一錢三字

右為粗末。每服二錢。水一盞。薑三片。棗二枚。煎七分。通口服。如傷寒入鼓數粒同煎。熱服。大有效。不拘時。崇寧癸未。米芾為太常博士。始造待漏。冒寒得疾。痰嗽如膠。有血。更三醫

不退。一日謁太尉蔡元度。取人參散一貼。并棗見授。繼歸。有客承議郎薛道至留食。藥熱進一服。良久。痰嗽立止。而客怪曰。公氣色頓快。何藥也。為道其由。求方。蔡公又送一貼。越三日。病痊除。往見蔡公。公曰。此藥僧伽也。元佑中。泗守劉士彥病。八日不汗。女求僧伽甚確。夜夢告曰。翌日塔中取藥。遂於大聖鉢中取得此藥。題印云。太平州楊家人參散。今太醫局中亦賣。無甘草。乾葛。兼無分兩。疑非真方。

入瘟家。令不相染着。用雄黃研細水調。以筆濃蘸塗鼻竅中。與病人同牀。亦不相染。初洗面後。及臨臥時點之。凡疫家自生惡氣。聞之即入上元宮。遂散百脉而成斯病。宜即以紙撚探鼻嚏之。爲佳。如以雄黃點鼻。則自不聞。并辟諸惡夢神良方。  
崇禎庚辰季春十日烏程閔齊伋遇五父

閔日觀觀我父全訂

跋

女科百問上下卷產寶雜錄一卷大宋醫官仲甫齊先生所撰後襍錄有芸窻論是書非惟治婦女產科及諸病證若男子得病證有與同者除療產方外亦宜究病源之所致合藥性之所宜診其脉識其病考其方藥而隨治之無不效也予偶遇是書於少司馬金公書舍簡閱不捨遂假錄於槐屋不終月而畢如其間字有訛舛以俟高明同志者較焉

弘治十八年龍集乙丑仲夏五月望後丙午日江

寧訥齋王廷言謹識

昔唐陸宣公每懷濟世之仁暇則博集古方書  
種種成卷是集也保產育孕又其濟世之最切  
者也先大父太保訥齋府君得於司馬金公書  
室以爲至寶錄藏於家幾七十年迨襄敏府君  
屢欲命刻以廣其傳緣中外敷歷無一暇時遂  
不果管四方從侍獲遍覽於趨庭之後稔知是  
集之可傳嗣是叨承薄宦奔走間關亦爾未遑  
茲者暫告養痾山居迺披閱舊集出此壽梓不  
特勉成先志實以布宣公之德意云

隆慶五年歲次辛未六月吉日中憲大夫遼東行  
大僕寺少卿兼山東按察司僉事奉  
勅整飭海州等處兵備不肖孫管百拜謹識

